

摘藻堂四庫全書薈要

集部

欽定四庫全書薈要

集部

御定全唐詩卷三百

五十九至
六十一

詳校實候補通政司經歷臣郭祚職

欽定四庫全書薈要卷一萬七千七百六十四

集部

御定全唐詩卷三百五十九

劉禹錫

送春詞

樓上迎春處今日登樓又送歸
蘭綵殘妝含露泣

柳條長袖一作袂向風揮
佳人對鏡容顏改
楚客臨江心

事違萬古至今同
此恨無如一醉盡
忘機

送李尚書鎮滑州

自浙西觀察使徵拜兵部侍郎月餘有此拜也

南徐報政入文昌東郡須才別建章視草名高同蜀客

擁旄年少勝荀

一作周

郎黃河一曲當城下緹騎千重照

路傍自古相門還出相如今人望在巖廊

其後果繼
韋平之族

送渾大夫赴豐州

自大鴻臚拜
家承舊勳

鳳銜新詔降恩華又見旌旗出渾

一作漢

家故吏來辭辛

蜀國精兵願逐李輕車羶裘君長迎風馭錦帶

一作酋
領

豪踏雪衙其奈明年好春日無人喚看牡丹花

送源中丞充新羅冊立使

侍中
之孫

相門才子稱華簪持節東行捧德音身帶霜威辭鳳闕
口傳天語到雞林煙開鼇背千尋碧日浴鯨波萬頃金
想見扶桑受恩處

一作後

一時西拜盡傾心

送王司馬之陝州

自太常丞授工為詩

暫輟清齋出太常空攜詩卷赴一作過甘棠府公既有朝

中舊

一作畫

司馬應容酒後狂案牘來時唯署字風煙入

興便成章兩京大道多遊客每遇詞人戰一場

洛中送楊處厚入關便遊蜀

一本有謁韋今公四字

洛陽秋日正淒淒君去西秦更向西舊學三冬今轉富

曾傷六翮養初齊王城曉入日一作窺丹鳳蜀路晴來一作

天見碧雞早識臥龍應有分不妨從此躡丹梯

送周使君罷渝州歸郢州別墅

君思郢上吟歸去故自渝南擲郡章野戍岸邊留畫舸

綠蘿陰下到一作山莊池荷雨後衣香起一作庭草春

深綬帶長只恐鳴騶催上道不容待得晚菘嘗

奉送浙西李僕射相公赴鎮奉送至臨泉驛書
札見徵拙詩時在

汝州

建節東行是舊遊，歡聲喜氣滿吳州。
郡人重得黃丞相，童子爭迎郭細侯。
詔下初辭溫室樹，夢中先到景陽樓。
自憐不識平津閣，遙望旌旗汝水頭。

重送浙西李相公頃廉問江南已經七載後歷

滑

一作清

臺劔南兩鎮遂入相，今復領舊地新加。

旌旄

江北萬人看玉節，江南千騎引金鏡。
鳳從池上遊滄海。

鶴到遼東識舊巢
城下清波含百谷
窻中遠岫列三茅
碧雞白馬回翔久
却憶朱方是樂郊

送前進士蔡京赴學究科

時崔相公楊尚書掌選

耳聞戰鼓帶經鋤
振發聲名自里閭
已是世間能賦客
更攻窻下絕編書
朱門達者誰能識
絳帳書生盡不如
幸遇天官舊丞相
知君無翼上空虛

送唐舍人出鎮閩中

暫辭鴛鴦出蓬瀛
忽擁貔貅鎮粵城
閩嶺夏雲迎皂蓋

建溪秋樹映紅旌
山川遠地由來好
富貴當年別有情
了却人間婚嫁事
復歸朝右一作作公卿

送李中丞赴楚州

緹騎朱旗入楚城
士林皆賀振家聲
兒童但喜迎賓守

故吏猶應記姓一作

小

名萬頃水田連
郭秀四時烟月映

淮清憶君初得崑山玉
同向揚州攜手行

奉送李戶部侍郎自河南尹再除本官歸闕

昔年內署一作

史

振雄詞今日東都結
去思宮女猶傳洞

蕭賦國人先詠袞衣詩華星却復文昌位別鶴重歸太

乙池想到金閨待通

一作稱

籍一時驚喜

一作起

見風儀

送蘄州李郎中赴任

楚關

一作門

蘄水路非賒東望雲山日夕佳薤葉照人呈

夏簟松花滿盃試新茶樓中飲興因明月江上詩情為
晚霞北地交親長引領早將玄鬢到京華

送國子令狐博士赴興元覲省

相門才子高陽族學

一作才

省清資五品官諫院過時榮

棣萼謝庭歸去踏芝蘭山中花帶煙嵐一作霞晚棧底江

涵雪水寒伯仲到家人盡賀柳營蓮府遞相歡

送李二十九兄員外赴邠寧使幕

家襲韋平身

一作生

業文素風清白至今貧南宮通籍新

郎吏西族

一作候

從戎舊主人城外草黃秋有雪峰頭煙

靜虜無塵鼎門為別霜天曉賸

一作剌

把離觴三五巡

送分司陳郎中祗召直史館重修三聖實錄

蟬鳴官樹引行車言自成周赴玉除遠取南朝貴公子

重脩東觀帝皇

一作王

書常時戴筆窺金匱暇日登樓到

石渠若問舊人劉子政如今白首在南徐

一作頭白
在商於

送慧則法師歸上都因呈廣宣上人

并引
精淨名經師

佛示滅後大弟子演聖言而成經傳心印曰法承
法而能專曰宗由宗而分教曰支坐而攝化者勝
義皆空之宗也行而宣教者摧破邪山之支也釋
子慧則生於像季思濟劫溺乃學於一支開彼羣
迷以為盡妙理者莫如法門變凡夫者莫如佛土

悟無染者莫如散花故業於淨名深達實相自京
師涉漢沔歷鄢郢登衡湘聽徒百千耳感心化法
無住道行而歸顧予有社內之因故言別之日愛
緣瞥起時也秋盡詠江淹雜擬以送之前見宣上
人為我致謝

昨日東林

一作鄰

看講時都人象

一作乘

馬蹋琉璃雪山童

子應前世金粟如來是本師一錫言歸九城路三衣

一作

年曾拂萬年枝休公久別如相問楚客逢秋心更悲

送義舟師却還黔南

并引

黔之鄉在秦楚為爭地近世人多過言其幽荒以
談笑聞者又從而張皇之猶夫束蘊逐原燎或近
乎語妖適有沙門義舟道黔江而來能畫地為山
川及條其風俗纖悉可信且曰貧道以一錫遊他
方衆矣至黔而不知其遠始遇前節使而聞今節
使益賢而文故其佐多才士麾圍之下曳裾秉筆
彬彬與兔園同風蕃僧以外學嗜篇章時或攝衣

為末至客其來也約主人乘秋風而還今乞詞以
颺之如捧意珠行住坐臥知相好耳余曰唯命筆
為七言以應之

黔江秋水浸雲霓獨泛慈航路不迷猿狖窺齋林葉動
蛟龍聞咒浪花低如蓮半偈心常悟問菊新詩手自攜
常說摩圍似靈鷲却將山屐上丹梯

送景玄師東歸

并引

廬山僧景玄袖詩一幅來謁往往有句輕而適如

鶴雛襪袂未有六翮而步舒視遠戛然一唳乃非
泥滓間物獻詩已斂袂而辭且曰其來也與故山
秋為期夫丐者僧事也今無他請唯文是求故賦
一篇以代瓔珞耳

東林寺裏一沙彌心愛當時才子詩山下偶隨流水出
秋來却赴白雲期灘頭躡屐挑沙菜路上停舟讀古碑
想到舊房拋一作攜錫杖小松應有過蒼枝

漢壽城春望

古荊州刺史治亭其下有子胥廟兼楚王故墳

漢壽城邊野草春，荒祠古墓對荆榛。
田中牧豎燒芻狗，陌上行人看石麟。
華表半空經霹靂，碑文纔見滿埃塵。
不知何日東瀛變，此地還成要路津。

荆門

一作州

道懷古

南國山川舊帝畿，宋臺梁館尚依稀。
馬嘶古道

一作樹行

人歇麥秀空城野

一作澤

雉飛風吹落葉填宮井，火入荒

陵

一作墳林

化寶衣徒使詞臣庾，開府咸陽終日苦思

歸

朗州實員外見示與澧州元郎中郡齋贈答長

句二篇因以繼和

鴛鴦差池出建章綵旗朱戶蔚

一作鬱

相望新恩共理犬

牙地昨日同含雞舌香白芷江邊分驛路山挑蹊外接

甘棠應憐一罷金閨籍枉渚逢春

一作相逢

十度傷

早春對雪奉寄澧州元郎中

新賜魚書墨未乾賢人暫出遠人安朝驅旌旆行時令

夜見星辰憶舊官梅榮覆堦鈴閣暖雪峰當戶戟枝寒

寧知楚客思公子北望長吟澧有蘭

竇朗州見示與澧州元郎中早秋贈答

一作命

同作

一作答

鄰境諸侯同舍郎芷江蘭浦恨無梁秋風門外旌旗動
曉露庭中橘柚香玉簟微涼宜白晝金笳入暮應清商
騷人昨夜聞鷓鴣

一作啼鳥

不歎流年惜衆芳

松滋渡

一作洞

望峽中

渡頭輕雨灑寒梅雲際溶溶雪水來夢渚草長迷楚望

夷陵土黑有秦灰巴人淚應猿聲落蜀客船從鳥道回

十二碧峰何處所永安宮外是

一作荒臺

衢州徐員外使君遺以縞紵兼竹書箱因成一

篇用答佳贖

按此郡本自婺州析置徐州自台州遷

爛柯山下舊仙郎列宿來添婺女光遠放歌聲分白紵
知傳家學與青箱水朝滄海何時去蘭在幽林亦自芳
聞說天台有遺愛人將琪樹比甘棠

唐秀才贈端州紫石硯以詩答之

端州石硯人間重贈我因知正草玄闕里廟堂空舊物
開方竈下豈天然玉蜍吐水霞光靜綵翰搖風絳錦鮮
此日傭工記名姓因君數到一作致墨池前

覽董評事思歸之什因以詩贈

幾年油幕佐征東却泛滄浪狎釣童欹枕醉眠成戲蝶
抱琴閑望送歸鴻文儒自襲膠西相倚伏一作杖能齊塞

上翁更說扁舟動鄉思青菰已熟奈秋風

謝寺雙檜

揚州法雲寺謝鎮西宅古檜存焉

雙檜蒼然古貌竒含煙吐霧鬱參差晚依禪客當金殿
初對將軍映畫旗龍象界中成寶蓋鴛鴦瓦上出高枝
長明燈是前朝焰曾照青青年少時

寄楊

一作韓

八壽州

風獵紅旗入壽春滿城歌舞向朱輪八山下清淮水
千騎人中白面人桂嶺雨餘多鶴迹茗園晴望似龍鱗
聖朝方用敢言者次第應須舊諫臣

洛中寺北樓見賀監草書題詩

高樓賀監昔曾登壁上筆蹤龍虎騰中國書流尚一作讓

皇象北朝文士重徐陵偶因獨一作特見空驚目恨不同

時便伏膺唯恐塵埃轉磨滅再三珍重囑山僧

聞韓賓擢第歸覲以詩美之兼賀韓十五曹長

時韓牧永州

零陵香草滿郊坰丹穴雛飛入翠屏孝若歸來成一作呈

畫讚孟陽別後有山銘蘭陔舊地花一作多纔結桂樹新

枝色更一作尚青為報儒林丈人道如今從此鬢星星

宣上人遠寄和禮部王侍郎放榜後詩因而繼

和

禮闈新榜動長安
九陌人人走馬看
一日聲名遍天下

滿城桃李屬春官
自吟白雪詮詞賦
指示青雲借羽翰

借問至公誰印可
支郎天一作大眼定中觀

贈東嶽張鍊師

東嶽真人張鍊師
高情雅淡世間稀
堪為列女書青簡

久事元君住翠微
金縷機中拋錦字
玉清臺一作壇上著

霓衣雲鬢不要吹簫伴只擬乘鸞獨自飛

秘書崔少監見示墜馬長句因而和之

麟臺少諫舊仙郎洛水橋邊墜馬傷塵污腰間青襪綬
風飄掌上紫遊韁上車著作應來問折臂三公定送方
猶賴德全如醉者不妨吟詠入篇章

寄楊虢州與之舊姻

避地江湖知幾春今來本郡擁朱輪阮郎無復里中舊
楊僕却為關外人各繫一官難命駕每懷一作前好易

沾巾玉城山裏多靈藥擺落功名且養神

秋日題寶員外崇德里新居

寶時判
度支案

長愛街西風景閑到君居處暫

一作便

開顏清光門外一

渠水秋色牆頭數點山疎種碧松通

一作過

月朗多栽紅

藥待春還莫嫌堆案無餘地認得詩人在此間

蒙恩轉儀曹郎依前充集賢學士舉韓潮州自

代因寄七言

翔鸞闕下謝恩初通籍由來在石渠暫入南宮判祥瑞

還歸內殿閱圖書故人猶在三江外同病凡經二紀餘
今日薦君嗟久滯不惟文體似相如

途次華州陪錢大夫登城北樓春望因覩李崔
令狐三相國唱和之什翰林舊侶繼踵華城山
水清高鸞鳳翔集皆忝宿眷遂題此詩

城樓西望出風塵見盡關西渭北春百二山河雄一作

歸

上國一雙旌旆委名臣壁中今日題詩處一作天上同

時草詔人莫怪老郎呈濫吹官途雖別舊情親

始聞秋風

昔看黃菊與君別，今聽玄蟬我却回。
五夜颼颼枕前覺，一年顏狀鏡中來。
馬思邊草拳毛動，鵬眄青雲睡眼開。
天地肅清堪四望，為君扶病上高臺。

洛中初冬拜表有懷上京故人

鳳樓南面控三條，拜表郎官早渡橋。
清洛曉光鋪碧簾，上陽霜葉剪紅綃。
省門簷組初成列，雲路鴛鸞想退朝。
寄謝慙慙九天侶，搶榆水擊各逍遙。

尉遲郎中見示自南遷牽復却至洛城東舊居
之作因以和之

曾遭飛語十年謫新受恩光萬里還朝服不妨遊洛浦
郊園依舊看一作著嵩山竹含天籟清商樂水遶庭臺碧
玉環留作功成退身地如今只是暫時閑

洛中訓福建陳判官見贈

潦倒聲名擁腫材一生多故苦遭迴南宮舊籍遙相管
東洛閑一作闕門晝未開靜對道流論藥石偶逢詞客與

瓊瑰怪君近日文鋒利
新向延平看劍來

和蘇十郎中謝病閑居時嚴常侍蕭給事同過
訪歎初有二毛之作

清羸隱几望雲空
左掖鴛鴦到室中
一卷素書消永日
數莖斑髮一作鬢
對秋風
菱花照後容
雖改蒼草占來命
已通莫怪人人驚
早白緣君尚是黑頭翁

酬淮南廖參謀秋夕見過之作

林公昔為揚州從事參謀從釋

子反
初服

揚州從事夜相尋無限新詩月下吟初服已驚一作玄

經

髮長高情猶向碧

一作白

雲深語餘時舉一杯酒坐久方

聞四

一作數

處砧不逐繁華訪閑散知君擺落俗人心

題王郎中宣義里新居

愛君新買街西宅客到如遊鄴杜間
雨後退朝貪種樹
申時出省趨看山門前巷陌三條近
牆內池亭萬境閑
見擬移居作鄰里不論時節請開關

酬朗州崔員外與任十四兄侍御同過鄙人舊

居見懷之什時守吳郡

昔日居鄰招屈亭
楓林橘樹鷓鴣聲
一辭御苑青門去
十見蠻江白芷生
自此曾沾宣室召
如今又守闔閭城
何人萬里能相憶
同舍仙郎與外兄

任侍御余外兄崔員外南宮同官

劉駙馬水亭避暑

千竿竹翠數蓮紅
水閣虛涼玉簟空
琥珀琰紅一作烘疑

漏一作瀉水晶簾一作密更通風
賜冰滿盃沉朱實法

饌盈盤覆碧籠
盡日逍遙避一作却煩暑
再三珍重主人

翁

述舊賀遷寄陝號孫常侍

南宮左輔
兩處交代

南宮幸襲芝蘭後左輔曾交印綬來多病未離清洛苑
新恩已歷望仙臺闕頭古塞桃林靜城下長河竹箭回
聞說隨車有零雨此時偏動子荆才

江陵嚴司空見示與成都武相公唱和因命同
作

南荆西蜀大行臺幕府旌門相對開名重三司平水土

威雄八陣役風雷彩雲朝望青城起錦浪秋經白帝來
不是郢中清唱發誰當丞相揆天才

廟庭偃松詩

并序

侍中後閣前有小松不待年

一作特立

而偃丞相晉公

為賦詩美其猶龍蛇然植于高檐喬木間上嵌旁
軋盤蹙傾亞似不得天和者公以遂物性為意乃
加憐焉命畚土以壯其趾使無欹索綯以牽其榦
使不仆盥漱之餘以潤之顧眄之輝以照之發於

仁心感召和氣無復天闕坐能敷舒鄙之跼蹙化
為竒古故雖衰丈而有偃號焉予嘗詣閣白事公
為道所以且示以詩竊感嘉木之逢時斐然成詠

勢軋枝偏根已危高情一見與扶持忽從顛顛有生意
却為離披無俗姿影入巖廊行樂處韻舍天籟宿齋時
謝公莫道東山去待取一作陰成滿鳳池

贈致仕滕庶子先輩

時及第人
中最老

朝服歸來畫錦榮登科記上更無兄

一作
名

壽觴每使

一作

許
曾孫獻勝境長攜衆妓行鑿鑿據鞍時一作能騁健殷

勤把酒尚多情凌寒却向山陰去衣繡郎君雪裏行一作

迎時今子為御
史主務在越中

哭呂衡州時予方謫居

一夜霜風凋玉芝蒼生望絕士林悲空懷濟世安人畧

不見男婚女嫁時遺草一函歸太史旅一作孤墳二尺近

要離朔方徙歲行當滿一作晚欲為君刊第二碑

夔州賈員外使君見示悼妓詩顧余嘗識之一作

面
因命同作

前年曾見兩鬟時今日驚吟悼妓詩
鳳管學成知有籍
龍媒欲換歎無期空廊月照常行地
後院花開舊折枝
寂寞魚山青草裏何人更立智瓊祠

竇夔州見寄寒食日憶故姬小紅吹笙因和之

鸞笙窈眇管參差清韻初調衆樂隨
幽院妝成花下弄

高樓月好夜深吹忽驚暮雨

一作
槿

飄零盡唯有朝雲夢

想期聞道今年寒食日東山舊路獨行遲

哭龐京兆

少年有俊氣常擢制科之首

俊骨英才氣，衰然策名飛。步冠羣賢逢時已，自致高位

得疾

一作病

還因倚少年，天上別歸京。兆府人間空數

一作

歎茂陵阡，今朝總悵哭。君處前日見，鋪歌舞筵

送李庚先輩赴選

一家何啻十朱輪，諸父雙飛秉大鈞。曾脫素衣參幕客，
却為精舍讀書人。離筵雒水侵杯色，征路函關向晚塵。

今日山公舊賓主

一作居賓主話

知君不負帝城春

陽山廟觀賽神

梁松南征至此遂為其神在朗州

漢家都尉舊征蠻血食如今配此山曲蓋幽深蒼檜下

洞簫愁絕

一作吹絕

翠屏間荆巫脉脉傳神語野老婆娑

一作

娑娑起醉顏日落風生廟門外幾人連蹋竹歌還

送僧元嵩東遊

并序

予策名二十年百慮而無一得然後知世所謂道

無非畏途唯出世間法可盡心耳繇是在席硯

一作

觀者多旁行四句之書備將行者皆赤髭白足之

侶深入智地靜通還源客塵觀盡妙氣來宅內視
胸中猶煎鍊然開士元高姓陶氏本丹陽名家世
有人爵不藉其資於毘尼禪那極細密之義於初
中後日習總持之門妙音奮迅願力昭答雅聞予
事佛而佞亟來相從或問師隳形之自對曰小失
怙恃推棘心以求上乘積四十年有羸老將至而
不懈始悲浚泉之有冽今痛防墓之未遷塗葛莫
備薪火恐滅諸相皆離此心長懸雖萬姓歸佛盡

為釋種如河入海無復水名然具一切智者豈惟
遺百行求無量義者寧容斷聞思今聞南諸侯雅
多大士思扣以苦調而希其末光無容至前有足
悲者予聞是說己力不足而悲有餘因為詩以送

之庶乎踐霜露者聽

一作
聆

之有惻

寶書翻譯學初成振錫如飛白足輕彭澤因家凡幾世
靈山預會是前生傳燈已悟無為理濡露猶懷罔極情
從此多逢大居士何人不願解珠璣

贈日本僧智藏

浮杯萬里過滄溟，遍禮名山適性靈。

一作舊局

深夜降龍潭。

水黑新秋放鶴野，田青身無彼我那懷土。心會真如不讀經，為問中華學道者。幾人雄猛得寧馨。

送元簡上人適越

孤雲出岫本無依，勝境

一作景

名山即是歸。久向吳門遊。

好寺還思越，水洗塵機。浙江濤驚獅子吼，稽嶺峰疑靈。

鷺飛更入天台石橋去。

一作路

垂珠璀璨拂三衣。

送宗密上人歸南山草堂寺因謁

一作
詣

河南尹

白侍郎

宿習修來得慧根，多聞第一却忘言。
自從七祖傳心印，不要三乘入便門。
東泛滄江一作浪尋古跡，西歸紫閣出

塵喧。河南白尹大檀越，好把真經相對翻。

西塞山懷古

西晉一作王濬樓船下益州，金陵王氣黯一作漢。
然收千尋鐵

鎖沈江底，一片降幡出石頭。人世幾回傷往事，
一作荒苑至今

生茂

山形依舊枕江

一作寒

流今逢

一作從今

四海為家日故

壘蕭蕭蘆荻秋

一作而今四海歸皇
化兩岸蕭蕭蘆荻秋

廣宣上人寄在蜀與韋令公唱和詩卷因以令

公手札答詩示之

碧雲佳句久傳芳曾向成都住草堂振錫常過長者宅

披衣

一作文

猶帶令公香一時風景添詩思八部人天入

道場若許相期同結社吾家本自有柴桑

御定全唐詩卷三百五十九

御定四庫全書薈要卷一萬七千七百六十五

集部

劉禹錫

白舍人自杭州寄新詩有柳色春藏蘇小家之
句因而戲酬兼寄浙東元相公

錢塘山水有奇聲暫謫仙官領百城
女妓還聞名小小使君誰許喚卿卿
鼇驚震海風雷起蜃鬪噓天樓閣成
莫道騷人在三楚文星今向斗牛明

春日書懷寄東洛白二十二揚八二庶子

曾向空門學坐禪如今萬事盡忘筌眼前名利同春夢
醉裏風情敵少年野草芳菲紅錦地遊絲撩亂碧羅天
心知洛下閑才子不作詩魔即酒一作醉顛

白舍人見酬拙詩因以寄謝

雖陪三品散班中資歷從來事不同名姓也曾鑿石柱
詩篇未得上屏風甘陵舊黨凋零盡魏闕新知禮數崇
煙水五湖如有伴猶應堪作釣魚翁

白舍人曹長寄新詩有遊宴之盛因以戲酬

蘇州刺史例能詩西掖今來替左司
二八城門開道路五千兵馬引旌旗
水通山寺笙歌去騎過虹橋劍戟隨
若共吳王鬪百草不如應

一作是欠西施
知惟

蘇州白舍人寄新詩有歎早白無兒之句因以
贈之

莫嗟華髮與無兒却是人間

一作生

久遠期雪裏高山頭

白早海中仙果子生遲于公必有高門慶
謝守何煩曉

鏡悲幸免如今分非淺祝君長詠夢熊詩

高山本高子門使之高二

義故殊古之
詩流曉此

酬樂天揚州初逢席上見贈

巴山楚水淒涼地二十三年棄置身懷舊空吟聞
遂賦到鄉翻似爛柯人沈舟側畔千帆過病樹前
頭萬木春今日聽君歌一曲暫憑杯酒長精神

罷郡歸洛途次山陽留辭郭中丞使君

自到山陽不許辭高齋日夜有佳期管絃正合看書院

語笑方酣各詠詩
銀漢雪晴褰翠幕
清淮月影落金卮
洛陽歸客明朝去
容趣城東花發時

楚州開元寺北院枸杞臨井繁茂可觀羣賢賦

詩因以繼和

僧房藥樹依寒井
井有香泉樹有靈
翠黛葉生籠石甃
殷紅子熟照銅瓶
杖繁本是仙人杖
根老新成瑞犬形
上品功能甘露味
還知一勺可延齡

和樂天鸚鵡

養來鸚鵡背初紅宜在朱樓繡戶中頻學喚人緣性慧
偏能識主為情通斂毛睡足難銷日蹀翅愁時願見風
誰遣聰明好顏色事須安置入深籠

洛中逢白監同話遊梁之樂因寄宣武令狐相
公

曾經謝病各遊梁今日相逢憶孝王少有一身兼將相
更能四面占文章開筵坐上催飛盞迴首庭中看舞槍
借問風前兼月下不知何客對胡牀

河南王少尹宅燕張常侍白舍人兼呈盧郎中
李員外二副使

將星夜落使星來三省清臣到外臺事重各銜天子詔
禮成同把故人盃捲簾松竹雪初霽滿院池塘春欲回
第一林亭迎好客殷勤莫惜玉山頽

和宣武令狐相公郡齋對新竹

新竹脩脩韻曉風隔牕依砌尚蒙籠數間素壁初開後
一段清光入坐中欹枕閑看知自適含毫朗詠與誰同

此君若欲長相見政事堂東有舊叢

和樂天送鶴上裴相公別鶴之作

昨日看成送鶴詩高籠提出白雲司
朱門乍入應迷路
玉樹容棲莫揀枝
雙舞庭中花落處
數聲池上月明時
三山碧海不歸去
且向人間呈羽儀

闕下待傳點呈諸同舍

禁漏晨鐘聲欲絕
旌旗組綬影相交
殿舍佳氣當龍首
閣倚晴天見鳳巢
山色蔥籠丹檻外
霞光泛豔翠松梢

多慚再入金門籍不敢為文學解嘲

和樂天以鏡換酒

把取菱花百鍊鏡換他竹葉十旬杯
頰眉厭老終難去
蘸甲須歡便到來
妍醜太分迷忌諱
松喬俱傲絕嫌猜
校量功力相千萬好去從空白玉臺

同樂天送河南馮尹學士

可憐五一作玉馬風流地暫輟金貂侍從才
閣上掩書劉

向去門前修刺孔融來

馮自館閣出為河南尹

靖陵路靜寒無雨

洛水橋長畫起雷共

一作却

羨府中棠棣好先於城外百

花開

時公伯仲四人並以顯官居維士宗榮之

同白二十二贈王山人

愛名之世忘名客多事之時無事身古老相傳見來久
歲年雖變貌常新飛章上達三清路受錄平交五嶽神
笑聽夔夔朝暮鼓只能催得市朝人

題集賢閣

鳳池西畔圖書府玉樹玲瓏景氣閑長聽餘風送天樂

時登高閣望人寰
青山雲繞欄干外
紫殿香來步武間
曾是先賢翔集地
每看壁記一慙顏

和令狐相公初歸京國賦詩言懷

凌雲羽翮挾天才揚一作歷中樞與外臺
相印昔辭東

閣去將星還拱北辰來
殿庭捧日彩纓入閣道
看山曳履回口不言功
心自適吟詩釀酒待花開

和樂天南園試小樂

閑步南園煙雨晴
遙聞絲竹出牆聲
欲拋丹筆三川去

先教清商一部成花木手栽偏有興
歌詞新作別生情
多才遇景皆能詠當日人傳滿鳳城

答樂天戲贈

才子聲名白侍郎風流雖老尚難當
詩情逸似陶彭澤
齋日多如周太常
矻矻將心求靜法
時時偷眼看春光
知君技癢思歡讌
欲倩天魔破道場

同樂天送令狐相公赴東都留守

自戶部尚書拜

尚書劔履出明光
居守旌旗赴洛陽
世上功名兼將相

人間聲價是文章
衙門曉闢分天仗
賓幕初開辟省郎
從發坡頭向東望
春風處處有甘棠

自華陵至河南皆故林也

刑部白侍郎謝病長告改賓客分司以詩贈別

鼎食華軒到眼前
拂衣高謝豈徒然
九霄路上辭朝客
四皓叢中作少年
他日臥龍終得雨
今朝放鶴且冲天
洛陽舊有衡茆在
亦擬抽身伴地仙

和留守令狐相公答白賓客

麥隴

一作蛟龍

和風吹樹枝
商山逸客出關時
身無拘束起

長晚路足交親行自遲官拂象筵終日待私將雞黍幾
人期君來不用飛書報萬戶先從紙貴知

酬鄆州令狐相公官舍言懷見寄兼呈樂天

詞人各在一涯居聲味雖同跡自踈佳句傳因多好事
尺題稀為不便書已通戎略逢黃石仍占星文耀碧虛
聞說朝天在來歲霸陵春色已待行車

吟白樂天哭崔兒二篇愴然寄贈

吟君苦調我霑纓能使無情盡有情四望車中心未釋

千秋亭下賦初成
庭梧已有棲雛處
池鶴今無子和聲
從此期君比瓊樹
一枝吹折一枝生

答樂天所寄詠懷且釋其枯樹之歎

衙前有樂饌常精
宅內連池酒任傾
自是官高無狎客
不論年長少歡情
驪龍頷被探珠去
老蚌胚還應月生
莫羨三春桃與李
桂花成實向秋榮

赴蘇州酬別樂天

吳郡魚書下紫宸
長安旆吏送朱輪
二南風化承遺愛

八詠聲名躡後塵梁氏夫妻為寄客陸家兄弟是州民
江城春日追遊處共憶東歸舊主人

福先寺雪中酬別樂天

龍門賓客會龍宮東去旌旗駐上東二八笙歌雲幕下
三千世界雪花中離堂未暗排紅燭別曲含淒颺晚風
才子從今一分散便將詩詠向吳儂

和樂天耳順吟兼寄敦詩

吟君新什慰蹉跎屈指同登耳順科鄧禹功成三紀事

孔融書就八年多已經將相誰能爾拋却丞郎爭奈何
獨恨長洲數千里且隨魚鳥泛煙波

和白侍郎送令狐相公鎮太原

十萬天兵貂錦衣晉城風日斗生輝行臺僕射深恩重
從事中郎舊路歸鼙鼓聲成汾水浪閃旗驚斷塞鴻飛
邊庭自此無烽火擁節還來坐紫微

酬樂天見寄

元君後輩先零落崔相同年不少留華屋坐來能幾日

夜臺歸去便千秋背時猶自居三品

三川吳得老終須
郎品同

卜一丘

投老之日願與樂天為鄰

若使吾徒還早達亦應簫鼓入松

楸

樂天寄重和晚達冬青一篇因成再答

風雲變化饒年少光景蹉跎屬老夫秋隼得時凌汗漫
寒龜飲氣受泥塗東隅有失誰能免北叟之言豈便無
振臂猶堪呼一擲爭知掌下不成盧

河南白尹有喜崔賓客歸洛兼見懷長句因而

繼和

幾年侍從作名臣，却向青雲索得身。
朝士忽為方外士，主人仍是眼中人。
雙鸞遊處天京好，五馬行時海嶠春。
遙羨光陰不虛擲，肯令絲竹暫生塵。

和楊師皋給事傷小姬英英

見學胡琴見藝成，今朝追想幾傷情。
撚絃花下呈新曲，放撥燈前謝改名。
但是好花皆易落，從來尤物不長生。
鸞臺夜直衣衾冷，雲雨無因入禁城。

和樂天洛下醉吟寄太原令狐相公兼見懷長

句

舊相臨戎非稱意詞人作尹本多情從容自使邊塵靜
談笑不聞桴鼓聲章句新添塞下曲風流舊占洛陽城
昨來亦是吳趨詠惟寄東都與北京

郡齋書懷寄江南白尹兼簡分司崔賓客

謾讀圖書三十車年年為郡老天涯一生不得文章力
百口空為飽煖家綺季衣冠稱鬢面吳公政事副詞華

還思謝病吟歸去同醉城東桃李花

題于家公主舊宅

樹繞荒臺葉滿池
簫聲一絕草蟲悲
鄰家猶學宮人髻
園客爭偷御果枝
馬埒蓬蒿藏狡兔
鳳樓煙雨嘯愁鴟
何郎獨在無恩澤
不似當初傅粉時

酬樂天見貽賀金紫之什

久學文章含白鳳
却因政事賜金魚
郡人未識聞謠詠
天子知名與詔書
珍重賀詩呈錦繡
願言歸計竝園廬

舊來詞客多無位金紫同遊誰得如

樂天見示傷微之敦詩晦叔三君子皆有深分
因成是詩以寄

吟君歎逝雙絕句使我傷懷奏短歌世上空驚故人少
集中惟覺祭文多芳林新葉催陳葉流水前波讓後波
萬古到今同此恨聞琴淚盡欲如何

和樂天柘枝

柘枝本出楚王家玉面添嬌舞態奢

髻

一作

鬢改梳鸞

鳳髻新衫別織鬪雞紗鼓催殘拍腰身軟汗透羅衣雨
點花畫筵曲罷辭歸去

一作畫席曲
殘辭別去

便隨王母上煙霞

和樂天題真娘墓

蒼苔林中黃土堆羅襦繡黛已成灰芳魂雖死人不怕
蔓草逢春花自開幡蓋向風疑舞袖鏡燈臨曉似妝臺
吳王嬌女墳相近一片行雲應往來

客有話汴州新政書事寄令狐相公

天下咽喉今大寧軍城喜氣徹青冥庭前劔戟朝迎日

筆底文章夜應星三省壁中題姓字萬人頭上見儀形
汴州忽復承平事正月看燈戶不扃

令狐相公見示河中楊少尹贈答兼命繼之

兩首新詩百字餘朱絃玉磬韻難如漢家丞相重徵後
梁苑仁風一變初四面諸侯瞻節制八方通貨溢河渠
自從卻一作却穀為元帥大將歸來盡把書

和令狐相公送趙常盈鍊師與中貴人同拜嶽
及天台投龍畢却赴京

銀燭謁者引蛻旌霞帔仙官到赤城白鶴迎來天樂動
金龍擲下海神驚元君伏奏歸中禁武帝親齋禮上清
何事夷門請詩送梁王文字上聲名

酬令狐相公贈別

越聲長苦有誰聞老向湘山與楚雲海嶠新辭永嘉守
夷門重見信陵君田園松菊今迷路霄漢鴛鴦久絕羣
幸遇甘泉尚詞賦不知何客薦雄文

酬令狐相公寄賀遷拜之什

遭迴二紀重為郎洛下遙分列宿光不見當關呼早起
曾無侍史與焚香三花秀色通春幌十字清波遶宅牆
白髮青衫誰比數相憐只是有梁王

相公昔以人僚分司故有同病相憐

句之

夏日寄宣武令狐相公

長憶梁王逸興多西園花盡興如何近來溽暑侵亭館
應覺清談勝綺羅境入篇章高韻發風穿號令衆心和
承明欲謁先相報願拂朝衣逐曉珂

酬令狐留守巡內至集賢院見寄

仙院文房隔舊宮當時盛事盡成空墨池半在頽垣下
書帶猶生蔓草中巡內因經九重苑裁詩又繼二南風
為兄手寫殷勤句遍歷三台各一通

和令狐相公言懷寄河中楊少尹

章句慙非第一流世間才子昔陪遊吳宮已歎芙蓉死

張司業詩云吳宮四面秋
江水天清白露芙蓉死

邊月空悲蘆管秋

李白詩

任向

洛陽稱傲吏

分司白
賓客

苦教河上領諸侯

天平
相公

石渠甘對

圖書老闕外楊公安穩不

今狐相公自天平移鎮太原以詩申賀

相公昔為并州

從事

北都留守將天兵出入香

一作天

街宿禁局鞞鼓夜聞驚

朔鴈旌旗曉動拂參星
孔璋舊檄家家有
叔度新歌處處聽
夷落遙知真漢相
爭來屈膝看儀刑

重酬前寄

邊峰寂寂盡收兵
宮樹蒼蒼靜掩局
戎羯歸心如內地

天狼無角比凡星，新成麗句開緘後，便入清歌滿坐聽。

吳苑晉祠遙望處，可憐南北太

大一作

相形

今孤相公自太原累示新詩，因以酬寄。

飛蓬卷盡塞雲寒，戰馬閑嘶漢地寬。萬里胡天無警急，
一籠烽火報平安。燈前妓樂留賓宴，雪後山河出獵看。
珍重新詩遠相寄，風情不似四登壇。

酬令狐相公使宅別齋初栽桂樹見懷之作

清淮南岸家山樹，黑水東邊第一栽。影近畫梁迎曉日，

香隨綠酒入金杯
根留本土依江潤
葉起寒稜映月開
早晚陰成比梧竹
九霄還放綵雛一作來

酬令狐相公見寄

才兼文武播雄名
遺愛芳塵滿洛城
身在行臺為僕射
書來角里訪先生
閑遊占得嵩山色
醉臥高聽洛水聲
千里相思難命駕
七言詩裏寄深情

郡內書情獻裴侍中留守

功成頻獻乞身章
擺落襄陽鎮洛陽
萬乘旌旗分一半

八方風雨會中央
兵符今奉黃公略
書殿曾隨翠鳳翔
心寄華亭一雙鶴
日陪高步繞池塘

酬樂天衫酒見寄

酒法衆傳吳米好
舞衣偏尚越羅輕
動搖浮蟻香濃甚
裝束輕鴻意態生
閱曲定知能自適
舉杯應歎不同傾
終朝相憶終年別
對景臨風無限情

自左馮歸洛下酬樂天兼呈裴令公

新恩通籍在龍樓
分務神都近舊丘
自有園公紫芝侶

時賓行四人 仍追少傅赤松遊華林霜葉紅霞晚伊水
盡在洛中

晴光碧玉秋更接東山文酒會始知江左未風流

王儉云江

左風流宰相

唯有謝安

秋齋獨坐寄樂天兼呈吳方之大夫

空齋寂寂不生塵藥物方書繞病身
纖草數莖勝靜地幽禽忽至似佳賓
世間憂喜雖無定釋氏銷磨盡有因
同向洛陽閑度日莫教風景屬他人

和樂天齋戒月滿夜對道場偶懷詠

常修清淨去繁華人識王城長者家
案上香煙鋪貝葉
佛前燈焰透蓮花
持齋已滿招閑客
理由先聞命小娃
明日若過方丈室
還應問為法來邪

吳方之見示獨酌小醉首篇樂天續有訓答皆
含戲謔極至風流兩篇之中竝蒙見屬輒呈濫
吹益美來章

閑門共寂任張羅
靜室同虛養太和
塵世歡娛開意少
醉鄉風景獨遊多
散金疏傅尋常樂
枕麴劉生取次歌

計會雪中爭挈榼鹿裘鶴氅遞相過

酬樂天齋滿日裴令公置宴席上戲贈

一月道場齋戒滿今朝華幄管絃迎
銜杯本自多狂態
事佛無妨有佞名
酒力半酣愁已散
文鋒未鈍老猶爭
平陽不獨容賓醉
聽取喧呼吏舍聲

酬樂天偶題酒瓮見寄

從一
是作

君勇斷拋名後
世路榮枯見幾回
門外紅塵人

自走瓮頭清酒我初開
三冬學任胸中有萬戶侯須骨

上來何幸相招同醉處洛陽城裏好池臺

酬樂天請裴令公開春加宴

高名大位能兼有恣意遨遊是特恩二室煙霞成步障
三川風物是家園晨窺苑樹韶光動晚度河橋春思繁
絃管常調客常滿但逢花處即開樽

樂天示過敦詩舊宅有感一篇吟之泣然追想
昔事因成繼和以寄苦懷

淒涼同到故人居門枕寒流古木疎向秀心中嗟棟宇

蕭何身後散圖書本營歸計非無意唯算生涯尚有餘

忽憶前言更惆悵丁寧相約速懸車

敦詩與子及樂天
三人同甲子平生

相約同
休洛中

寄和東川楊尚書慕巢兼寄西川繼之二公近

從弟兄情分偏睦早忝遊舊因成是詩

太華蓮峰降嶽靈兩川棠樹接郊坰政同兄弟人人樂
曲奏埙篪處處聽楊葉百穿榮會府芝泥五色耀天庭
各拋筆硯誇旄鉞莫遣文星讓將星

和樂天洛下雪中宴集寄汴州李尚書

洛城無事足杯盤
風雪相和歲欲闌
樹上因依見寒鳥
坐中收拾盡閑官
笙歌要請頻何爽
笑語忘機拙更歡
遙想兔園今日會
瓊林滿眼映旂竿

和牛相公遊南莊醉後寓言戲贈樂天兼見示

城外園林初夏天
就中野趣在西偏
薔薇亂發多臨水
鷓鴣雙遊不避船
水底遠山雲似雪
橋邊平岸草如煙
白家唯有杯觴興
欲把頭盤打少年

樂天以愚相訪沽酒致歡因成七言聊以奉答
少年曾醉酒旗下同輩黃衣領亦黃跣踏青雲尋入仕
蕭條白髮且飛觴令徵古事歡生雅客喚閑人興任狂
猶勝獨居荒草院蟬聲聽盡到寒螿

御定全唐詩卷三百六十

欽定四庫全書薈要卷一萬七千七百六十六集部

御定全唐詩卷三百六十一

劉禹錫

和思黯憶南莊見示

丞相新家伊水頭
智囊心匠日增修
化成池沼無痕跡
奔走清波不自由
臺上看山徐舉酒
潭中見月慢回舟
從來天下推尤物
合屬人間第一流

酬思黯見示小飲四韻

拋却人間第一官，俗情驚怪我方安。
兵符將印無心戀，洛水嵩雲恣一作著。
意看三足鼎中知，味久百尋竿上擲。
身難追呼故舊，連霄飲直到天明，興未闌。

和僕射牛相公春日閑坐見懷

官曹崇重難頻入，第宅清閑且獨行。
階蟻相逢如偶語，園蜂速去恐違程。
人於紅藥惟看色，鶯到垂楊不惜聲。

東洛池臺怨拋擲，移文非久會應成。

違一作避，惟看一作偏，憐色。

酬元九侍御贈壁竹鞭長句

碧玉孤根生在林，美人相贈比雙金。
初開郢客緘封後，想見巴山冰雪深。
多節本懷端直性，露青猶有歲寒心。
何時策馬同歸去，闕樹扶疎敲鐙吟。

酬竇員外使君寒食日途次松滋渡先寄示四

韻

楚鄉寒食橘花時，野渡臨風駐綵旗。
草色連雲人去住，水紋如縠燕差池。
朱輪尚憶羣飛雉，青綬初懸左顧龜。
非是湓城舊司馬，水曹何事與新詩。

時自水部
郎出使

寄揚八拾遺

時出為國子主簿分司東都韓十八員外亦轉國子博士同在洛陽

聞君前日獨庭爭漢帝偏知白馬生忽領簿書遊太學
寧勞侍從厭承明洛陽本自宜才子海內而今有直聲
為謝同僚老博士范雲來歲即公卿

酬竇員外郡齋宴客偶命柘枝因見寄兼呈張

十一院長元九侍御

員外時兼節度判官佐平蠻之畧張初罷都官元方

從事

分憂餘刃又從公白羽胡牀嘯詠中綵筆諭戎矜倚馬

華堂留客看驚鴻
渚宮油幕方高步
澧浦甘棠有幾叢
若問騷人何處所
門臨寒水落江楓

謝實員外旬休早涼見示詩

奉書報詰
朝有宴

新秋十日澣朱衣
鈴閣無聲公吏歸
風韻漸高梧葉動
露光初重槿花稀
四時苒苒催容鬢
三爵油油一作
曛曛忘
是非更報明朝池上酌
人知太守字玄暉

南海馬大夫遠示著述兼酬拙詩輒著微誠再
有長句時蔡戎未弭故見於篇末

漢家旄節付雄才百越南溟統外臺身在絳紗傳六藝
腰懸青綬亞三台連天浪靜長鯨息映日帆多寶舶來
聞道楚氛猶未滅終須旌旆掃雲雷

和南海馬大夫聞楊侍郎出守郴州因有寄上
之作

忽驚金印駕朱轡遂別鳴珂聽曉猿碧落仙來雖暫謫
赤泉侯在是深恩玉環慶遠瞻台坐銅柱勳高壓海門
一詠瓊瑤百憂散何勞更樹北堂萱

馬大夫見示浙西王侍御贈答詩因命同作序

大夫榮踐舊府又歷交趾桂林南人歌之列在風

什王侍御公易一別歲餘寄末篇以代札

憶逐羊車凡幾時今來舊府統一作總戎師象筵照室會

詞客銅鼓臨軒舞海夷百越酋豪稱故吏十洲風景助
新詩秣陵從事何年別一見瓊章如素期

寄唐州楊八歸厚

淮安古地擁州師畫角金鐃旦夕吹淺草遙迎鷓鴣馬

春風亂颭，辟邪旗。謫仙年月，今應滿。戇諫聲名，衆所知。
何況遷喬舊同伴，一雙先入鳳凰池。

時徐晦揚嗣復二舍人與唐州同年

第及

寄朗州溫右史曹長

暫別瑤墀鴛鷺行，綵旗雙引到沅湘。
城邊流水桃花過，簾外春風杜若香。
史筆枉將書紙尾，朝纓不稱濯滄浪。
雲臺公業家聲在，徵詔何時出建章。

訓揚司業巨源見寄

辟雍流水近靈臺中有詩篇絕世才
渤海歸人將集去梨園弟子請詞來
瓊枝未識魂空斷寶匣初臨手自開
莫道專城管雲雨其如心似不然灰

訓國子崔博士立之見寄

健筆高科早絕倫後來無不揖芳塵
遍看今日乘軒客多是昔年呈卷人
胄子執經瞻講坐郎官共食接華茵
煩君遠寄相思曲慰問天南一逐臣

張郎中籍遠寄長句開緘之日已及新秋因舉

目前仰酬高韻

南宮詞客寄新篇清似湘靈促柱弦京邑舊遊勞夢想
歷陽秋色正澄鮮雲銜日脚成山雨風駕潮頭入渚田
對此獨吟還獨酌知音不見思愴然

浙東元相公書歎梅雨鬱蒸之候因寄七言

稽山自與岐山別何事連年鶯鷺飛百辟商量舊相入
九天祇候老臣歸平湖晚泛窺清鏡高閣晨開掃翠微
今日看書最惆悵為聞梅雨損朝衣

酬嚴給事賀加五品兼簡同制水部李郎中
九天雨露傳青詔八舍郎官換綠衣初佩銀魚隨仗入
宜乘白馬退朝歸彫盤賀喜開瑤席綵筆題詩出鎖闈
聞道水曹偏得意霞朝霧夕有光輝

裴相公大學士見示答張秘書謝馬詩并羣公
屬和因命追作

草玄門戶少塵埃丞相并州寄馬來初自塞垣銜首蒼
忽行幽徑破莓苔尋花緩轡威遲一作去帶酒垂鞭躩

蹀回不與王侯與詞客知輕富貴重清才

奉和裴侍中將赴漢南留別座上諸公

金貂曉出鳳池頭玉節前臨南雍州暫輟洪鑪觀劍戟
還將大筆注春秋管絃席上留高韻山水途中入勝遊
峴首風煙看未足便應重拜富民侯

和蘇郎中尋豐安里舊居寄主客張郎中

漳濱臥起恣閑遊宣室徵還未白頭舊隱來尋通德里
新篇寫出畔牢愁池看科斗成文字鳥聽提壺憶獻酬

同學同年又同舍許君雲路並華翰

訓浙東李侍郎越州春晚即事長句

越中藹藹繁華地秦望峰前禹穴西湖草初生邊鴈去
山花半謝杜鵑啼青油畫卷臨高閣紅旆晴翻繞古堤
明日漢庭徵舊德老人爭出若耶溪

訓淮南牛相公述舊見貽

少年曾忝漢庭臣晚歲空餘老病身初見相如成賦日
尋為丞相掃門人追思往事咨嗟久喜奉清光笑語頻

猶有登朝

一作當時

舊冠冕待公三入拂埃塵

牛相再入中書故以三入

之期

和僕射牛相公追感韋裴六相登庸皆四十餘
未五十薨歿豈早榮早枯之義今年將六十猶
粗強健因親故勸酒率然成篇并見寄之作

坐鎮清朝獨殷然閑徵故事數前賢用才同踐鈞衡地
稟氣終分大小年威鳳本池思泛泳仙查舊路望回旋
猶憐綺季深山裏唯有松風與石田

和僕射牛相公以離闕庭七年班行親故亡歿
十無一人再覩龍顏喜慶雖極感歎風燭能不
愴然因成四韻并示集賢中書二相公所和

久辭龍闕擁紅旗喜見天顏拜赤墀三省英寮非舊侶
萬年芳樹長新枝交朋接武居仙院幕客追風入鳳池
雲母屏風即施設可憐榮耀冠當時

和僕射牛相公見示長句

靜得天和興自濃不緣宦達性靈慵大鵬六月有閑意

仙鶴千年無躁容流輩盡來多歎息官班高後少過從
唯應加築露臺上賸見終南雲外峰

和牛相公雨後寓懷見示

金火交爭正抑揚蕭蕭飛雨助清商曉看紈扇恩情薄
夜覺紗燈刻數長樹上早蟬纔發響庭中百草已無光
當年富貴亦惆悵何況悲翁髮似霜

和陳許王尚書酬白少傅侍郎長句因通簡汝

洛舊遊之什

寥廓高翔不可追，風雲失路暫相隨。
方同洛下書生詠，又見軍前大將旗。
雪裏命賓開玉帳，飲中請號駐金卮。
竹林一自王戎去，嵇阮雖貧興未衰。

和僕射牛相公寓言二首

兩度竿頭立定誇，回眸舉袖拂青霞。
盡拋今日貴人樣，復振前朝名相家。
御史定來休直宿，尚書依舊趁參衙。
具瞻尊重誠無敵，猶憶洛陽千樹花。

心如止水鑒常明，見盡人間萬物情。
鵬鷲騰空猶逞俊

驂駟啣足自無驚時來未覺權為崇貴了方知退是榮
只恐重重世緣在事須三度副蒼生

訓太原狄尚書見寄

家聲烜赫冠前賢時望穹崇鎮北邊身上官銜如座主
幕中譚笑取同年幽并俠少超鞭弭燕趙佳人奉管絃
仍把天兵書號筆遠題長句寄山川

訓宣州崔大夫見寄

白衣曾拜漢尚書今日恩光到敝廬再入龍樓稱綺季

應緣狗監說相如中郎南鎮權方重內史高齋興有餘
遙想敬亭春欲暮百花飛盡柳花初

訓皇甫十少尹暮秋久雨喜晴有懷見示

兩餘獨坐卷簾帷便得詩人喜霽詩搖落從來長年感
憐舒偏是病身知掃開雲霧呈光景流盡潢汙見路岐
何況菊香新酒熟神州司馬好狂時

再授連州至衡陽酬柳柳州贈別

去國十年同赴召渡湘千里又分岐重臨事異黃丞相

三點名慙柳士師歸目併隨回鴈盡愁腸正遇斷猿時
桂江東過連山下相望長吟有所思

望夫山

何代提戈去不還獨留形影白雲間肌膚銷盡雪霜色
羅綺點成苔蘚斑江燕不能傳遠信野花空解妒愁顏
近來豈少征人婦笑採蘼蕪上北山

懷妓

前三首一作劉
損詩題作憤惋

玉釵重合兩無緣魚在深潭鶴在天得意紫鸞休

一作
辭

舞鏡能言青鳥罷

一作斷

銜牋金盆已覆難收水玉軫長

拋不續絃若向蘼蕪山下過遙

一作空

將紅

一作狂

淚灑窮

泉

鸞飛遠樹棲何處鳳得新巢想稱心紅壁

一作粉

尚留香

漠漠碧雲初斷信沈沈情知

一作那堪

點污投泥玉猶自

一作

更經營買笑金從此山頭似人石丈夫形狀淚痕深

但曾行處遍尋看雖是生離死一般買笑樹邊花已老

畫眉窗下月猶殘雲藏巫峽音容斷路隔星橋過往難

莫怪詩成無淚滴，盡傾東海也須乾。

三山不見海沉沉，豈有仙蹤更可尋。
青鳥去時雲路斷，姮娥歸處月宮深。
紗窗遙想春相憶，書幌誰憐夜獨吟。
料得夜來天上鏡，只應偏照兩人心。

答東陽于今寒碧圖詩

并引

東陽今于興宗丞相燕國公之猶子，生綺襦紈袴，
間所見皆貴盛而挈然有心，如山東書生前年白
有司願為親民官，以自効，遂補東陽及蒞官，以簡

易為治故多暇日一旦於縣五里偶得竒境埋沒
於翳會中于生自以有特操而生於公侯家由覆
蔭入仕常忽忽歎息因移是心開挾泉石芟去蘿
蔦斧凡材畚自壤而清谿翠岩森立至來因構亭
其端題曰寒碧碧流貫於庭中如青龍蜿蜒冰
徹射人樹石雲霞列於前昏旦萬狀惜其居地不
得有聞於時故圖之來乞辭既無負尤物予亦久
翳蘿蔦者睹之慨然遂賦七言以貽後之文士

去聲

東海本是佳山水何況曾經沈隱侯
化得邦人解吟詠如今縣令亦風流
新開潭洞疑仙境遠寫丹青到雍州
落在尋常畫師手猶能三伏凜生秋

麻姑山

曾遊仙蹟見豐碑除却麻姑更有誰
雲蓋青山龍臥處日臨丹洞鶴歸時
霜凝上界花開晚月冷中天果熟遲
人到便須拋世事稻田還儼種靈芝

自江陵沿流道中

三千三百西江水自古如今要路津
月夜歌謠有漁父
風天氣色屬商人
沙村好處多逢寺
山葉紅時覺勝春
行到南朝征戰地
古來名將盡為神

陸遜甘寧
皆有祠宇

別夔州官吏

三年楚國巴城守
一去揚州揚子津
青帳聯延喧驛步
白頭俯偃到江濱
巫山暮色常含雨
峽水秋來不恐人
惟有九歌詞數首
里中留與賽蠻神

魚復江中

扁舟盡室貧相逐
白髮藏冠鑷更加
遠水自澄終日綠
晴林長落過春花
客情浩蕩逢鄉語
詩意留連重物華
風檣好住貧程去
斜日青帘背酒家

巫山神女廟

巫山十二鬱蒼蒼
片石亭亭號女郎
曉霧乍開疑卷幔
山花欲謝似殘妝
星河好夜聞清佩
雲雨歸時帶異香
何事神仙九天上
人間來就楚襄王

柳絮

飄颻南陌起東鄰
漠漠濛濛暗度春花巷
暖隨輕舞蝶
玉樓晴拂豔妝人
縈迴謝女題詩筆
點綴陶公漉酒巾
何處好風偏似雪
隋河隄上古江津

贈同年陳長史員外

明州長史外臺郎
憶昔同年翰墨場
一自分襟多歲月
相逢滿眼是淒涼
推賢有愧韓安國
論舊唯存盛孝章
所歎謬遊東閣下
看君無計出恓惶

送周魯儒赴舉詩

并引

晝居外次晨門曰有九疑生持一刺來謁立西階以須生危冠方袂淺拱舒拜且前致辭稱贊其文頗涉獵前言居五六日復袖來益引古事以相劇切與之言能言其得姓因家之所自暨縣道鄉亭之風俗望山名水之槩狀羅舍所未記朱贛之未條咸得之於生由是始列於賓籍臨觴而司斟觀博而竄言有日矣初邑中人聞有生來而二千石客之駢然來觀逸客裴御史遇生於坐抵掌曰人

固有類類而族殊者周生疑羅玠也衆咸譖然而
熟視生疑也愈甚夫形似古所有也優孟似叔敖
而楚君欲以為相人殊而類肖猶或欲用之玠生
於衡山而生生於九疑其似誠匹也無乃躡其武
升俊造仕旬服佐君藩為御史乎古文人無避事
即有而書之尚實也行李之貺則徵夫詩曰

宋日營陽內史孫因家占得九疑村童心便有愛書癖
手指今餘把筆痕自握虵珠辭白屋欲憑雞卜謁金門

若逢廣坐

一作知

問羊酪從此知君在一言

送曹璩歸越中舊隱詩

并引

余為連州諸生以進士書刺者浩不可紀獨曹生
崖然自稱為山夫及與語以徵其實則曰所嗜者
名嘗遠遊以索之抗喉舌胝拇晦以干東諸侯見
之日率莞然曰秀才者天下是不禮庸何傷今方
依名山以揚其聲將挂幘於南嶽生之言未及休
余遽曰在已不在山若子之言依山而為高是練

神叩寂捐日月而不顧名聞而老至持是焉用生

聞言愀然如悔色見於眉睫因留止道士院從余

求書以觀居三時而功倍一歲讀史書自皇帝至

吳魏間班班能言之然而絕口不敢言衡山知山

夫不販而贏也十一月告余歸隱於會稽且曰知

求名之自矣乞詞以發之遂賦七言詩以鑒其志

行盡瀟湘萬里餘少逢知己憶吾廬數間茅屋閒臨水

一盞秋燈夜讀書地遠何當隨計吏策成終自詣公車

剡中若問連州事唯有千山畫不如


白鷹

毛羽遍爛白紵裁馬前擊出不驚猜輕拋一點入雲去
喝殺三聲掠地來綠玉背攢雞腦破玄金爪擘兔心開
都緣解搦生靈物所以人人道俊哉

御定全唐詩卷三百六十一

謹案卷三百六十四第一頁後八行已見叅離離
刊本離訛雞據原集改

第八頁前四行笑入越王家刊本越訛楚據原集
改



總校官庶吉士臣張能照

校對官庶吉士臣陳崇本

謄錄監生臣宣葆光

欽定四庫全書薈要

集部

御定全唐詩卷三百六十五

二五

臣紀昀詳校

詳校官候補通政司經歷巨那祚職



欽定四庫全書薈要卷一萬七千七百六十七

集部

御定全唐詩卷三百六十二

劉禹錫

送工部張侍郎入蕃弔祭

時張兼
修史

(送)

賓諸夏雲官降

一作
向

九天飾終鄰好重錫命禮容

全水咽猶登隴沙鳴

一作
明

稍極邊路因乘驛近志為飲

冰堅毳帳差池見烏旗搖曳前歸來賜金石榮耀自編

年

早秋送臺院楊侍御歸朝 兄弟四人適歷
諸科二人同省

仙署棣華春當時已絕倫今朝丹闕下更入白眉人重

振高陽族分居要路津一門科第足五府辟 一作書頻

鰲鳥得秋氣法星懸火旻聖朝寰海靜所至不埋輪

送陸侍御歸淮南使府五韻 用年

江左重詩篇陸生名久傳鳳城來已熟羊酪不嫌羶歸

路芙蓉府離堂玳瑁筵泰山呈臘雪隋柳布新年曾忝

揚州薦因君達短牋 時段丞相鎮揚
州嘗辱表薦

送令狐相公自僕射出鎮南梁

夏木正陰成戎裝出帝京沾襟辭闕淚回首別鄉情雲

樹褒中路風煙漢上城前旌轉谷去後騎踏橋聲久一作

又領鴛行重無嫌虎綬一作節輕終提一麾去一作當持一筆再

入福一作副蒼生

奉送裴司徒令公自東都留守再命太原本封晉國

公兩任相
去十六年

星使出關東兵符賜上公山河歸舊國管籥換離宮行

色旌旗動軍聲鼓角雄愛棠餘故吏騎竹見新童漢壘
三秋靜胡沙萬里空其如天下望旦夕詠清風

海陽湖別浩初師

并引

瀟湘間無土山無濁水民乘是氣往往清慧而文
長沙人浩初生既因地而清矣故去葦洗慮剔顛
毛而壞其衣居一都之殷易與士會得執外教盡
捐苛禮自公侯守相必賜其清問耳目灌注習浮
於性而里中兒賢適與浩初比者嬰冠帶豢妻子

吏得以乘凌之汨沒天慧不得自奮莫可望浩初
之清光於侯門上坐第自吟羨而已浩初益自多
其術尤勇於近達者而歸之往年之臨賀言侍郎
楊公留歲餘公遺以七言詩手筆於素前年省柳
儀曹於龍城又為賦三篇皆章書今復來連山以
前所得雙南金出於襖亟請余賡之按師為詩頗
清而奕棊至第三品二道皆足以取幸於士大夫
宜熏餘習以深入也會吳郡以山水冠世海陽又

以竒甲一州師慕道於泉石為篤故攜之以嬉及
言旋復引與共載於湖上奕於樹石間以植沃州
之因緣宜賦詩具道其事

近郭看

一作有

殊境獨遊常鮮懽逢君駐緇錫觀貌稱林

巒湖滿景方霽野香春未闌愛泉移席近聞石輟棊看

風止松猶韻花繁露未

一作晚

乾橋形出樹曲巖影落池

寒湘東架險凡四橋山下出泉逗巖為池泓別路千嶂
澄可愛者不可徧舉故狀其境以貽好事

裏

一作峰外

詩情暮雲

一作雨

端他年買山處似此得隳官

許給事見示哭工部劉尚書詩因命同作

從叔望出

河間

漢室賢王後孔門高第人濟時成國器樂道任天真特
達圭無玷堅貞竹有筠總戎寬得衆市義貴能貧護塞
無南牧馳心拱北辰乞身來闕下賜告臥漳濱榮耀初
題劔清羸已拖紳宮星徒列位隙日不回輪自昔追飛
侶今為侍從臣素弦哀已絕青簡歎猶新未遂揮金樂
空悲撤瑟晨淒涼竹林下無復見清塵

從叔自渭北節度以疾歸朝比

及拜尚書竟
不來申謝

武陵書懷五十韻
并序

按天官書武陵當翼軫之分其在春秋及戰國時
皆楚地後為秦惠王所并置黔中郡漢興更名曰
武陵東徙於今治所常林義陵記云初項籍殺義
帝於郴武陵人曰天下憐楚而興今吾王何罪乃
見殺郡民縞素哭於招屈亭高祖聞而異之故亦
曰義陵今郡城東南亭舍其所也晉宋齊梁間皆

以分王子弟事存於其書永貞元年余始以尚書
外郎出補連山守道貶為是郡司馬至則以方志
所載而質諸其人民顧山川風物皆騷人所賦乃
具所聞見而成是詩因自述其出處之所以然故
用書懷為目云

西漢開支郡南朝號戒藩四封當列宿百雉俯清沅高
岸朝霞合驚湍激箭奔積陰春暗度將霽霧先昏俗尚
東皇祀謠傳義帝冤桃花迷隱跡棟一作練葉慰忠魂戶

算資漁獵鄉豪恃子孫照山畬火動踏月俚歌喧擁楫

舟為市連甍竹覆軒披沙金粟見拾羽翠翹翻茗折蒼

溪秀蘋生枉渚暄

一作妍

禽驚

一作鳴

格磔起魚戲噉喙繁

按本草經曰鴈鵠聲如鉤轉格磔者是也

沈約臺榭故李衡墟落存

隱侯臺木奴洲

並在湘靈悲鼓瑟泉客泣酬恩露變蒹葭浦星懸橘柚村

虎咆空野震鼉作滿川渾鄰里皆遷客兒童習左言炎

天無列井霜月見芳蓀清白家傳遠詩書志所敦列科

叨甲乙從宦出丘樊結友心多契馳聲氣尚吞士安曾

重賦元禮許登門草檄嫖姚幕巡兵戍已屯築臺先自

隗送客獨留髡遂結王畿綬來觀衢室罇鷲飛入鷹隼

魚目儷璵璠曉燭羅馳道朝陽闢帝閣王正會夷夏月

朔盛旗旛獨立當瑤闕傳呵步紫垣按章清犴獄視祭

潔蘋繁御歷昌期遠傳家寶祚蕃繇文光夏啟神教畏

軒轅內禪因天性雄圖授化元繼明懸日月出震統乾

坤大孝三朝備洪恩九族惇百川宗渤澥五岳輔崑崙

何幸逢休運微班識至尊校婚資莞權復土奉山園

以時

本官判度支鹽鐵
等兼崇陵使判官

一失貴人意徒聞太學論直廬辭錦

帳遠守愧朱幡巢幕方猶燕搶榆尚笑鯤遭迴過荆楚

流落感涼溫旅望花無色愁心醉不憺春江千里草暮

雨一聲猿問卜安寔數看方理病源帶賒衣改制塵澀

劍成痕三秀悲中散二毛傷虎賁來憂禦魍魅歸願牧

雞豚就日秦京遠臨風楚奏煩南登無灞岍旦夕上高

原

早秋集賢院即事

時為
學士

金數已三伏火星正西流樹含秋露曉閣倚碧天秋灰
瑄應新律銅壺添夜籌商飈從朔塞爽氣入神州蕙草
香書殿槐花點御溝一作樓山明真色見水靜一作淨濁煙
收早歲忝華省再來成白頭幸依羣玉府末一作有路尚

一作瀛洲
向

奉和吏部楊尚書太常李卿二相公策免後即
事述懷贈答十韻

文雅關西族衣冠趙北都有聲真漢相無類勝隋珠當

軸龍為友臨池鳳不孤九天開內殿百辟一作拜看晨趨

誠滿澄欵器成功別大壚餘芳在公論積慶是神扶步

武離台席徊翔集帝梧銓材秉秦鏡典樂去齊竽瀟灑

風塵外逢迎詩酒徒唯應待華誥一作皓更食一作入萬錢

廚

晚歲登武陵城顧望水陸悵然有作

星象承烏翼蠻陬想犬牙俚人祠竹節仙洞閉桃花城

基一作塞歷漢魏江源自賓巴華表廖王墓一作塚菜地黃

瓊家霜輕菊秀晚石淺水紋斜樵音繞故壘汲路明寒
沙清風稍改葉盧橘始含葩野橋過驛騎叢祠發迴笳
跳鱗避舉網倦鳥寄行楂路塵高出樹山火遠連霞夕
曛轉赤岬浮靄起蒼葭軋軋渡水漿連連赴林鴉叫閤
道非遠賜環期自賒孤臣本危涕喬木在天涯

罷郡歸洛陽寄友人

遠謫年猶少初歸鬢已衰門閑故吏去室靜老僧期不
見蜘蛛集頻為佞一作欺穎微囊未出寒甚谷難吹

濩落唯心在平生有已知商歌夜深後聽者竟為誰


經伏波神祠

蒙蒙篔竹下有路上壺頭漢壘磨甍鬪蠻溪霧雨愁懷
人敬遺像閱世指東流自負霸王略安知恩澤侯鄉園
辭石柱筋力盡炎洲一以功名累翻思馬少游

和汴州令狐相公到鎮改月偶書所懷二十二

韻

受脤新梁苑和羹舊傳巖援毫動星宿垂釣取韜鈴赫



總校官庶吉士臣張能照

校對官中書臣張頊

騰錄監生臣王朝寧

添映鑲窺豔豔隔袖見纖纖謝傳何由接桓衣定不凡
應憐郡齋老旦夕鑷霜顛

遙賀

一作和

白賓客分司初到洛中戲呈馮尹

西辭望苑去東占洛陽才度嶺無愁思看山不悞來冥
鴻何所慕遼鶴乍飛迴洗竹通新徑攜琴上舊臺塵埃
長者轍風月故人杯聞道龍門峻還因上客開

白侍郎大尹自河南寄示池北新葺水齋即事

招賓十四韻兼命同作

公府有高政新齋池上開再吟佳句後一似畫圖來結
構疎林下黃緣曲岼隈綠波穿戶牖碧甃疊瓊環幽異
當軒滿清光繞砌迴潭心澄晚鏡渠口起晴雷瑤草緣
堤種松煙上島栽遊魚驚撥刺浴鷺喜毳毳為客烹林
笋因僧採石苔酒斝常不罄書案任成堆簷外青雀舫
坐中鸚鵡杯蒲根抽九節蓮萼捧重臺芳訊此時到勝
遊何日陪共譏吳太守自占洛陽才

和令狐相公謝太原李侍中寄蒲桃

珍果出西域移根到北方昔年隨漢使今日寄梁王上
相芳緘至行臺綺席張魚鱗舍宿潤馬乳帶殘霜染指
鈔粉膩滿喉甘露香醞成十日酒味敵五雲漿咀嚼停
金盞稱嗟響畫堂慙非末至客不得一枝嘗

和令狐相公玩白菊

家家菊盡黃梁國獨如霜瑩靜真琪樹分明對玉堂仙
人披雪氅素女不紅妝粉蝶來難見麻衣拂更香向風
搖羽扇含露滴瓊漿高豔遮銀井繁枝覆象牀桂叢慙

竝發梅藥妬先芳一入瑤華詠從茲播樂章

令狐相公見示新栽蕙蘭二草之什兼命同作
上國庭前草移來漢水潯朱門雖易地玉樹有餘陰豔
彩凝還泛清香絕復尋光華童子佩柔軟美人心惜晚
含遠思賞幽空獨吟寄言知音者一奏風中琴

和令狐相公南齋小讌聽阮咸

阮巷久蕪沈四絃有遺音雅聲發蘭室遠思含竹林座
絕衆賓語庭移芳樹陰飛觴助真氣寂聽無流心影似

白團扇調諧朱絃琴一毫不平意幽怨古猶今

和令狐相公九日對黃白二菊花見懷

素萼迎寒秀金英帶露香繁華照旄鉞榮盛

一作茂

對銀

黃琮璧交輝映衣裳雜彩章晴雲遙蓋覆秋蝶近悠揚
空想逢九日何由陪一觴滿叢佳色在未肯委嚴霜

令狐僕射與余投分素深縱山川阻修然音問
相繼今年十一月僕射疾不起聞予已承訃書

寢門長慟後日有使者兩輦持書并詩計其日

時已是臥疾手筆盈幅翰墨尚新律詞一篇音
韻彌切收淚握管以成報章雖廣陵之絃於今
絕矣而蓋泉之感猶庶聞焉焚之總帳之前附
于舊編之末

前日寢門慟至今悲有餘已嗟萬化盡方見八行書滿
紙傳相憶裁詩怨索居危絃音有絕哀玉韻由虛忽歎
幽明異俄驚歲月除文章雖不朽精魄竟焉如零淚霑
青簡傷心見素車悽涼從此後無復望雙魚

和樂天閑園獨賞八韻前以蜂鶴拙句寄呈今
辱蝸蟻妍詞見答因成小巧以取大咍

永日無人事芳園任獨行陶廬樹可愛潘宅雨新晴傳
粉琅玕節熏香菡萏莖榴花裙色好桐子藥丸成柳蠹
枝偏亞桑空葉再生睢眙欲鬪雀索漠不言鶯動植隨
四氣飛沈舍五情搶榆與水擊小大強為名

奉和裴令公新成綠野堂即書

藹藹鼎門外澄澄洛水灣堂皇臨綠野坐臥看青山位

極却忘貴功成欲愛閑官名司管籥心術去機闕禁苑
凌晨出園花及露攀池塘魚拔刺竹逕鳥綿蠻志在安
瀟灑嘗經歷險艱高情方造適泉意望徵還好客交珠
履華筵舞玉顏無因隨賀燕翔集畫梁間

三月三日與樂天及河南李尹奉陪裴令公泛
洛禊飲各賦十二韻

洛下今修禊羣賢勝會稽盛筵陪玉鉉通籍盡金闈波
上神仙妓岼旁桃李蹊水嬉如鷺振歌響雜鶯啼歷覽

風光好，沁洄意思，迷擢歌能儷。曲墨客競分題，翠幄連雲起。香車向道，齊人誇綾步障，馬惜錦障泥。塵暗宮牆外，霞明苑樹西。舟形隨鷁轉，橋影與虹低。川色晴猶遠，鳥聲暮欲棲。唯餘踏青伴，待月魏王堤。

樂天少傅五月長齋，廣延緇徒，謝絕文友，坐成
睽間，因以戲之。

五月長齋戒，深居絕送迎。不離通德里，便是法王城。舉目皆僧事，全家少俗情。精修無上道，結念未來生。賓閣

緇衣占書堂信鼓鳴戲童為塔象啼鳥學經聲忝用青

菰

一作蒲

角葵承玉露烹馮家供薏苡劉氏餉蕪菁暗網

籠歌扇流塵晦酒鐺不知何次道作佛幾時成

酬樂天晚夏閑居欲相訪先以詩見貽

池榭堪臨泛翛然散鬱陶步因驅鶴緩吟為聽蟬高林
密添新竹枝低遶晚挑酒醅晴易熟藥圃夏頻薈老是
班行舊閑為鄉里豪經過更何處風景屬吾曹

酬樂天醉後狂吟十韻

來章有移家
惟醉和之句

散誕人間樂逍遙地上仙詩家登逸品釋氏悟真筌制
誥留臺閣歌詞入管絃處身於木鴈任世變桑田吏隱
情兼遂儒玄道兩全八闕齋適罷三雅興尤偏文墨中
年舊松筠晚歲堅魚書曾替代香火有因緣陸法和云
與梁元帝
於空王寺佛前
訂香火因緣
欲向醉鄉去猶為色界牽好吹楊柳曲
為我舞金鈿

牛相公見示新什謹依本韻次用以抒下情

劇韻新篇至因難始見能雨天龍變化晴日鳳騫騰遊

海驚何極聞韶素不曾
愜心時拊髀擊節日麾
肱符彩
添隄墨波瀾起剡藤
揀金光熠熠累壁勢層
層珠媚多
藏買花撩欲定僧封來
真寶物寄與媿交朋已
老無時
疾時洛中時癘多傷少年
長貧望歲登雀羅秋寂
寂蟲翅曉薨薨
羸驥方辭絆虛舟已絕
絙榮華甘死別健羨亦
生憎玉
柱琤琒韻金觥電凸稜
何時良宴會促膝對華
燈

奉和中書崔舍人八月十五日夜翫月二十韻

暮景中秋爽陰靈既望圓浮

一作騰

精離

一作浮

碧海分照

接虞淵迴見孤輪出高從倚蓋旋二儀含皎澈萬象共

澄鮮整御當西陸舒光麗上玄

一作
注

從星變風雨順日

助陶甄遠近同時望晶熒此夜偏運行調玉燭潔白應

金天曲沼疑瑤鏡通衢若象筵逢人盡冰雪遇景

一作
境

即神仙引素吞銀漢凝清洗綠煙臯禽警露下鄰杵思

風前水是還珠浦山成種玉田劔沈三尺影燈罷九枝

然象外形無迹寰中影有

一作
自

遷稍當雲闕正未映斗

城懸靜對揮宸翰閑臨縠彩牋境同牛渚

一作
浦

上宿在

鳳池邊興掩尋安道詞勝命仲宣從今紙貴後不復詠
陳篇

奉和淮南李相公早

一作暮

秋即事寄成都武相

公

八柱共承天東西別隱然遠夷爭慕化真相故臨邊並
進夔龍位仍齊龜鶴年

相公詩有齊年並進之句

同心舟已濟造膝

壁常聯對領專征寄遙持造物權斗牛添氣色井絡靜
氛煙獻可通三略分甘出萬錢漢南趨節制趙

一作淮北

賜山川玉帳觀渝舞虹旌獵楚田步嫌雙綬重夢入九

城偏秋雨

一作興一作與

離情動新詩

一作詩從

樂府傳聆音還竊

拈不覺撫么

一缺么字

弦

李中書自揚州見示詩本因命仰和

元和癸巳歲仲秋詔發江陵偏師問罪蠻徽後

命宣慰釋兵歸降凱旋之辰率爾成詠寄荆南

嚴司空

蠻水阻朝宗兵符下渚宮前籌得上策無戰已成功漢

使星飛入夷心草偃同歌

一作歡

謠開竹棧拜舞戢

一作擲

桑弓就日知冰釋
投人念鳥窮
網羅三面解
章奏九門

一作重

通舟服聯操
杖雕題盡
鞠躬降幡
秋練白驛
騎晝

塵紅火號休傳
警機橋罷亘
空登山不見
虜振旆自生
風江遠煙波靜
軍回氣色雄
佇看聞喜後
金石賜元戎

御定全唐詩卷三百六十二